

Rapport da gestiun 2019

Charas commembras, chars commembers, charas faaturas, chars fautors charas amias e chars amis da La Fliana

Quist rapport cumpiglia la perioda dals 27 marz 2019 fin als 31 december 2019. Sper las tractandas statutarias ed il program cultural, s'ha la suprastanza occupada impustüt culla reorganisaziun davo cha la società ha fundà la Fundaziun Chasa Fliana e tilla surdat la Chasa Fliana a Lavin. Cun quist pass less la società garantir cha'l program cultural, las scoulaziuns ils cuors e referats po gnir sport eir in avegnir. Per cha la fundaziun possa mantgnair la chasa Fliana vegn quella douvrada eir in avegnir sco chasa da vacanzas.

Dals 22 october fin als 10 december 2019 ans vain reunits, sco üsità, mincha mardi a las 09.15 h in la sala polivalenta a Lavin. Meditaziun, referat cun discussiun, schoppa da giuotta cun desert e caffè in chasa Fliana e davomezdi lavurs in gruppas, scumparti in differents locals in cumün, quai es stat il program dal di. Manà tras vain ils seguaints cuors generals: Lavurs a man da tuot gener cun Mengia Bonifazi, pitturar cun culurs d'aquarel cun Lea Gredig, Calligrafia cun Christa Pinggera, Giovar teater cun Ottilia Cavetty-Ritz, fieutrar bes-chas e fluors cun Gaby Famos, gimnastica per restar corporalmaing e mentalmaing fit cun Anny Unternährer, cuors creativ cun Helmut Tschiderer, «Co fetscha adöver dal handy o tablet» cun Duri Denoth, atelier da scriver cun Beat Senn, giovar a schah per minchün cun Andri Luzi, lavur cul füs cun Chatrina Bazzell.

Ils referats han gnü lö per part in baselgia a Lavin ed illa sala polivalenta, cun numerusas auditoras e numerus auditurs e temas multifaris.

Ün grond ingrazchamaint va al comité, chi'd ha eir quist on organisà ün program fich interessant e chi's ha ingaschè d'ürant tuot il temp fich ferm e piserà, cha las parteciüantas e'ls partecipants as chattaivan bain.

Dischplasmaivelmaing vain stuvü tour cumgià d'ürant l'on da gestiun dal fundatur da la scoula da paur e president d'onur, Rico Parli. Grazcha ad el pudaina eir hoz amo giodair on per on bels mumaints da cumpagnia a Lavin. Sia mort paisa greiv ed el ans mancarà amo lönch. Nus til tgnain in megdra memoria!

Il nomer da commembras e comembers es i inavo da 222 sün 219.

La situaziun finanziaria da nossa società es allegraivla. La buna partecipaziun als cuors e referats sco eir la bainvuglientscha da diversas personas ed instituziuns chi han fat donaziuns generusas, han influenzà considerabelmaing il bun resultat.

Il rendaint 2019 es difficil da congular cun quels da l'on avant, quai causa cha a partir dal seguond quartal haja dat duos contabilitats. Quella da la società e quella da la fundaziun. Ils rechavs dals cuors e referats sun minimalmaing plü bass sco l'on avant e las entradas tras commembranzas e donaziuns plü o main sül niveau da la media dals ons avant.

Nos ingrazchamaint va a tuottas personas, chi han eir quist on contribui vi da la prosperità da nossa società. Quai sun las commembras e comembers, donaturas e donatuors pel sustegn finanziel, tuottas predichantas e tuots predichants per las meditaziuns, a Christa Pinggera, Zernez, per l'accumpagnamaint musical, a Cilgia Etter, San Niclà, chi pissera per la buna schoppa, ad Anna Margaritta Filli, Lavin, pel sustegn in chasa Fliana ed in chasa da scoula, a

duonnas ed hommens e chi güdan pro'l giantar ed a rumir la sala polivalenta, a las numerusas persunas chi tachan oura ils placats da nossas occurenzas in ils singuls cumüns, a las medias da massa per las publicaziuns sur da las activitats da nossa società sco eir a tuottas otras persunas, chi sustegnan in qualsia möd La Fliana.

Grazcha fichun eir als organs da nossa società, nempe a la suprastanza ed als revisurs da quint per la buna collavuraziun.

Sguard inavant

Davo cha'ls cuors dal 2019 d'eiran a fin ha il comitè cumanzà subit cull'organisaziun dals cuors pel 2020. Il schlantsch es però gnü frenà dandettamaing.

Il virus da Corona ha tut suraman e derasà üna gronda malsgürezza e per part eir temma. La prüma coneqenza per nus es statta quella, cha causa il scumond da reuniun, ha la radunanza generala, previssa pels 24 marz 2020, stuvü gnir sditta giò. Eir sezzüdas dal comitè e da la suprastanza nun han pudü avair lö e lönch nu d'eira cler, co chi va insomma inavant eir culs cuors da la Fliana. Quels d'eiran fingià organisats e la broschüra pronta per gnir stampada. Pür als 23 gүн 2020 ha lura gnü lö üna prüma sezzüda da la suprastanza insembel culla presidenta dal comitè ed in quala es gnü decis da greiv cour, da sdir giò ils cuors e'ls referats pel on 2020. Quai a favur da la sandà da nossas commembras e commembers ma eir causa la sfida da chattar localitats grondas avuonda per cha las masüras da protecziun pon gnir tgnüdas aint.

L'istess vala per la radunanza generala chi'd es gnüda spostada süls 25 avuost 2020 e chi per la prüma jada ha lö in fuorma da palperi e na sco üsità, da cumpagnia, a Lavin.

Nus sperain fich ferm cha las situaziun as normalisescha bainbod e cha pudain dal 2021 giodair ün on sco üsità.

Zernez, 04 avuost 2019

Il president: *Fabian Schorta*